

Broj: 101- 6580/19 DžS
Zenica, 07.05.2019. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-6578-1/19 DžS od 07.05.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-6578/19 DžS od 07.05.2019. godine u postupku dodjele okvirnog sporazuma za nabavku asfaltnih radova - LOT 1: izvođenje radova na asfaltiranju prekopa sa i bez pripremljene podloge na području grada Zenica, redovno održavanje i prihvata se preporuka Komisije za nabavke, da se okvirni sporazum zaključi sa ponuđačem:

KOMGRAD-ZE d.o.o. Zenica

kao najbolje ocijenjenom ponuđaču, prema ponudi protokoliranoj pod brojem: 716-6232/19 od 22.04.2019. godine, za ponudenu cijenu od 54.180,00 KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču KOMGRAD-ZE d.o.o. Zenica, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

III

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-3973/19 BS od 18.03.2019. godine.

Javna nabavka je provedena putem otvorenog postupka sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a za LOT 1 je 46.380,00 KM.

Dana 19.03.2019. godine na Portalu javnih nabavki, istovremeno sa objavljivanjem Obavještanje o nabavci broj:439-1-3-119-3-22/19 objavljena je i tenderska dokumentacija.

Poziv za preuzimanje tenderske dokumentacije broj: 713-3973-2/19 BS od 19.03.2019. godine upućen je sljedećim ponuđačima:

1. ŽGP Zenica d.o.o. Zenica
2. KOMGRAD-ZE d.o.o. Zenica
3. ŠPIC BETON d.o.o. Zenica

Na osnovu Izvještaja o preuzimanju tenderske dokumentacije od strane ponuđača od 26.04.2019. godine u 14:49 sati, utvrđeno je da su sljedeći ponuđači preuzeli tendersku dokumentaciju i ispravku tenderske dokumentacije:

1. BBS Europe
2. Ekapija d.o.o.
3. Ganik I.D.A. d.o.o. Vitez
4. ŠPIC BETON d.o.o. Zenica
5. KOMGRAD-ZE d.o.o. Zenica
6. Prevoznički obrt Huseinspahić

Rok za dostavljanje ponuda je bio 22.04.2019. godine do 13:00 sati.

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 07.05.2019. godine direktoru preduzeća dostavila Zapisnik o ocjeni ponuda broj: 716-6578/19 DŽS od 07.05.2019. godine i Preporuku o izboru najpovoljnijeg ponuđača broj: 716-6578-1/19 DŽS od 07.05.2019. godine, u postupku javne nabavke za nabavku asfaltnih radova – LOT 1.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda,
- ukupno 6 (šest) ponuđača je preuzelo tendersku dokumentaciju sa Portala javnih nabavki.

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Uvidom u priloženu dokumentaciju otvorenog postupka za dostavu ponuda broj: 713-3973-3/19 BS za nabavku asfaltnih radova, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđači KOMGRAD-ZE d.o.o. Zenica i ŠPIC BETON d.o.o. Zenica su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 29.04.2019. godine, u terminu od 09:00 sati. Ponuđač ŠPIC BETON d.o.o. Zenica je dostavio odgovarajući dokaz o preferencijalnom tretmanu domaćeg.

Ponude ponuđača, prije početka e-aukcije su:

1. KOMGRAD-ZE d.o.o. Zenica, sa ukupnom cijenom ponude u iznosu od 54.180,00 KM, bez PDV-a
 2. ŠPIC BETON d.o.o. Zenica, sa ukupnom cijenom ponude u iznosu od 65.700,00 KM, bez PDV-a
- E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačna rang lista ponuđača, nakon završetka postupka e-aukcije:

1. KOMGRAD-ZE d.o.o. Zenica, sa ukupnom cijenom ponude u iznosu od 54.180,00 KM, bez PDV-a
2. ŠPIC BETON d.o.o. Zenica, sa ukupnom cijenom ponude u iznosu od 65.700,00 KM, bez PDV-a

Nakon održane e-aukcije Komisija je konstatovala da u postupku za nabavku asfaltnih radova - LOT 1 cijene obje dostavljene ponude prelaze iznos od 46.380,00 KM, koliko iznosi procijenjena vrijednost iz Odluke o pokretanju postupka broj: 101-3973/19 BS od 18.03.2019. godine.

Podnosilac zahtjeva za predmetnu nabavku se u vezi sa naprijed navedenim Upravi ugovornog organa obratio prijedlogom za prihvatanje ponude ponuđača KOMGRAD-ZE d.o.o. Zenica s obrazloženjem da ponuđena cijena nije značajno veća od procijenjene vrijednosti, da je cijena ponude uvjetovana stanjem

na tržištu, odnosno nedostatkom konkurencije, te posebno uzimajući u obzir učestale intervencije nadležnih inspekcija zbog neasfaltiranih prekopa nakon popravke na vodovodnoj i kanalizacionoj mreži naglasio značaj ovog postupka za ugovorni organ.

Imajući u vidu da je Uprava ugovornog organa dala saglasnost na navedeni prijedlog, Komisija predlaže da se ovaj postupak javne nabavke održi na snazi.

Polazeći od gore navedenih konstatacija, shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, a uzimajući u obzir da se preferencijalni tretman domaćeg u iznosu od 5% primjenjuje na cijenu ponude ponuđača ŠPIC BETON d.o.o. Zenica, prihvatljive ponude/ponuđače kako slijedi:

1. KOMGRAD-ZE d.o.o. Zenica, sa ukupnom cijenom ponude u iznosu od 54.180,00 KM, bez PDV-a
2. ŠPIC BETON d.o.o. Zenica, sa ukupnom cijenom ponude u iznosu od 65.700,00 KM, bez PDV-a

te dala preporuku da se okvirni sporazum zaključi sa najuspješnijim ponuđačem KOMGRAD-ZE d.o.o. Zenica na period od 12 mjeseci.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



Direktor:


Pašalić Emir, dipl.ing.građ.

DOSTAVLJENO:

- 1 x Ponuđači
- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a